



UKA 2021/156
13. oktober 2021

Siverth K. Heilmann
Atassut

Kalaallit Nunaanni eqqartuussisarnermik inatsisip allanngortinnissaanut inatsimmut missingiut (Pinerlunnernit eqqorneqartut inatsisitigut inissisimanerannik pitsanngorsaaneq) aamma Pinerlunnernit eqqorneqartunut naalagaaffimmit taarsiissutit pillugit inatsisip allanngortinneqarnissaanik inatsisit assigiinngitsut kunngip peqqussutaatigut Kalaallit nunaannut atortuulernerannik peqqussummut missingiut pillugit Inatsitartut aalajangiiffigisassaattut siunnersuut,

(Ineqarnermut, Attaveqarnermut, Aatsitassanut, Inatsisit Atuutsinneqarneranut Naligiissitaanermullu Naalakkersuisoq)

Kalaallit Nunaanni eqqartuussisarnermik inatsisip allanngortinnissaanut Naalakkersuisut saqqummiussaannut qujanaq, imatullu naatsumik Atassummiit oqaaseqarfigissavarput.

Ilumoorpoq inatsisissatut siunnersuut sivisuumik Inatsitartuni suliarineqarnissaa utaqqisimagatsigu, tamannalu ullutsinnut naleqqussarlugu nutarteriffigineqarnissaa pisariaqarlunnalersimavoq.

Inuk pinerluffigineqartoq, eqqartuussisarnermi inatsit aqqutigalugu illersugaasarpog, inulli pinerluuteqartoq, pinerluttuliornermi inatsit aqqutigalugu politiinit unnerluutigineqartarluni. Taamaattumik Naalakkersuisut danskit naalakkersuisuinik suleqateqarluarnermikkut siunnersuut tunngavilersorluagaasutut Atassummiit nalilerlutigu, akuersarlugu taaseqataaffigissavarput.

Taamak Atassummiit naatsumik oqaaseqarluta, suliap aappassaaneerreqartigani ataatsimiititaliami susassaartumi peqqissaarullugu suliarineqarnissaa inassutigissavarput.

Qujanaq.